



12228

北  
窓  
詩  
稿



北窓詩橐

盱江余

觀復

中行

讀柴桑集

游心太古初得句萬物表平生一罇酒寂寞三  
逕小有琴不張弦正以知音少伊予挹殘芳道  
心炯相照北窓清夢長山閒自啼鳥吾欲問先  
生天闊白雲杳

咏懷

山容洗眼青江光照肌白翻枝鵲查查抱葉蟬

北窓詩橐

一  
讀畫齋正本

嘖嘖蒹葭搖風聲梧桐淡秋色草木了無能陰  
陽互相激人於大化中真成逆旅客藏舟夜半  
移不假賁育力塵網罩八紘貪夫受羅織蹇子  
丘壑姿一室頗安適荒尋縱奇懷清詭弔塵迹  
風搖泛海槎雨澀登山屐世遠事荒唐天高興  
寥閔渺渺孤征鴻一舉振六翮此意人莫知獨  
嘯嚴扉寂

寄伯成

昔別青梅酸今來黃葉墮葉墮卻歸根窻隙見

駒過大巧亦自然小智空瑣瑣一言取封侯千  
金賈奇禍達人知倚伏去就無不可天公亦可  
爲妙用正在我

風雅不可復亦乃世代然君看黃初語已滅河  
梁篇神思透溟滓至寶辭雕鐫儻欲剩著語不  
如寂無言

梅花引

耨銀雲鋤壁月栽得寒花寄愁絕陽和一點來  
天根春滿江南誰漏泄珊瑚作樹玉爲膚沈水

北窓詩彙

二讀畫齋正本

熏香檀吐屑野橋橫寒澗潔斜梢舞破屋角煙  
老樹壓殘牆角雪風流不肖王謝儔孤高尚笑  
夷齊劣蕭然與俗最無緣此話難明向誰說絕  
愛西湖君暗香浮動月黃昏亦愛東坡老竹外  
一枝斜更好二仙去矣花寂寥著語壓花花不  
倒誰能淡筆傳其真誰能楚語招其魂參橫月  
落興未了三叫花神聞不聞花影搖搖情默默  
冷透吟脾醒醉魄問渠桃李豈知春西抹東塗  
受春役自然香無色色譙樓角動霜初飛蕭寺

鍾鳴天欲白披衣遶徧樹頭行判斷人間風月國

梅花

羣卉皆輿隸孤標眞聖賢乾坤清不徹風月興  
無邊生意春常在貞心晚更堅騷經雖不載已  
入二南篇

山居卽事

密竹環茆舍應無俗士過睡濃嫌日出坐久厭  
塵多鬪雀翻危葉飢鵝唳短莎世涂眞九曲犇

北窓詩藁

三讀畫齋正木

走欲如何

梅花

自是孤芳集大成紅紅白白漫爭名天邊差有  
雪堪亞世上更無花敢清筆到華光空幻相句  
如和靖藹遺聲一枝勾引牕前月冷淡相看太  
古情

次韻春日

日淡風輕養物華老天將此付詩家人情巧似  
營巢燕春意忙於赴壑蛇寂寞蘭亭空有感淒

涼金谷竟誰誇絕憐狂甚樊川杜枉殺吟情豈  
蕙花

次韻

榴簇殷紅竹迸青風驚簷玉一時鳴晚來幽趣  
無人解流水聲中看月行

步遶

步遶蒼苔自詠詩吟情惟有澗泉知山猿忽地  
來偷果攀斷庭前烏桕枝

木犀

北窓詩藁

四讀書齋正本

盤盤老桂樹金屑黃鬕鬆孕此無盡香襲襲乘  
西風幽人爲延佇古意滋無窮王孫招不來西  
郊草蒙茸欲以遺遠者道阻嗟難從 不忍  
替攬之寄房櫳夢魂恍而清夜午超鴻濛常恐  
芳氣歇我恨何時終

乾隆壬寅十一月初五日雨窗宋刻校

北窓詩藁

鷗

清

微

吟



鷗渚微吟

開封趙崇鈔元冷

調漁者

山明松雪水明沙一曲清溪著釣槎我已浮湛  
君漫浪謾煎我水試君茶

頗愛

頗愛樂天齊物我夢隨吟賞洛中橋桃花細馬  
載楊柳半面春潮紅未消

食化

鷗渚微吟

讀畫齋正本

海食多詭心參食令人魯山中食齋人幽吟肺  
腸苦

青陽

青陽滿芳蕤流連度丘園眇睽不忍折恐傷造  
物恩

夜坐

自炷芳蕭讀道書元文豁落走龍魚松梢露色  
挂北斗一夜風前學步虛

尋真夕對

春雲弄月黃金絲  
春山草木皆仙姿  
松根對坐日西夕  
羣峯當前列青壁  
鏗鏗虛壑含古音  
靜聽宛是商山吟  
洞石微開月當戶  
翦水弦冰心手語

有贈

別意參差遶碧欄  
外頭斜月逼人寒  
鉤簾恐礙雙棲鵲  
乍可桃花隔霧看

簡雲臥

憶君心事如流水  
流向江頭作暮潮  
想得潮平

鷓鴣微吟

沙有雪自鏗鐵版  
和吹簫

空城雀

空城雀黃口莫啾啾  
空城無人種禾黍  
飲啄飛鳴由得汝

山閒

山回霧氣溼生意  
鞠磳隱石道苔蘚  
春松花鬱金粉

東風

東風吹梅梢飄搖  
泣香雪下有野草  
根蘄然競

時節

野園

野園對客無杯勺共坐茅欄理釣車  
片月漸低風露冷隔牆山鬼嘯梨花

至後

悄悄雲氣繞江城至後寒輕詎可憑  
兩日南風將雪信牀前蝙蝠夜翻燈

大孤

大孤溶溶決眼青小孤江色春冥冥  
隔江淮壩

鷗渚微吟

三讀畫齋正本

幾千里枯荻蕭慘朔風起佳人何在遙相望  
我無羽翼從君翔爲君暗整眞珠裳  
綠蘅翠芷參差香

壯節亭二松

壯節亭前野碧滋髯龍飛去忽經時  
祇應黃犢蒼藤路尚有清泉白石知

東風吹桃花

東風吹桃花花光射春林相看各媚斌  
豔冶搖人心憩蝶下新綠游魚上清潯  
百年一須臾冥

觀契飛沈

曉起

雨漂窻紙溼成瑕風壓簷瓶卧枕沙曉起無悰  
飴粥冷自添新水救梨花

江上

清露初生紅蓼秋爽風先到木蘭舟釣絲不捲  
波痕穩夢入蘆花數白鷗

仙思

水殿風清急景斜靈君初下五雲車碧羅寶扇

鷗渚微吟

四讀畫齋正本

雙題字記是誰人詠落花

麻姑擗麟不冝食飛猿嶺上餐松實月冷天空  
涵曙光露色凝煙白如蜜

東溪夜泊

雪滿汀洲風滿林霽光空澈夜深深推篷恰受  
梅花月自噴橫簫調楚吟

甕天

康廬戶廳東偏本吳西山遺址

不見甕天人但見石上字誰能負甕去奪我寥  
天思甕破奚有餘甕在奚不足吟作甕天辭摩

掌石苔綠

雜興

潮平煙斂月明高  
霽宇涵空見羽毛  
我自無能君了了  
檣杆獨倚調離騷

日日西風坐石苔  
手捫蒼壁倚雲開  
卻來平地觀空色  
不信碧虛天際來

都昌書事

世事可無酒春藤  
還有花山雲欲到  
地街鼓又催衙風  
緊魚休市官貧飯  
帶砂天機不得問  
暮

鷗渚微吟

五讀畫齋正本

色欲棲鴉

丫頭巖

煙雨斑斕石蘚春  
墜雲誰夢寶花輦  
行人總被虛名誤  
到得傾城又誤人

月巖

玉丹仙蛻馭飛翰  
便作琉璃世界看  
大地山河渾忘卻  
謾依桂樹舞青鸞

壁間韻

雨又入簾風又斜  
東風吹客客思家  
浣紗西去

誰家子青絹圍裙插杏花

山月溪風兩自由紫蘭綠桂等離憂狂歌鬱鬱  
成何事一片夕陽蘆荻秋

海棠開盡故清寒漠漠梨花暮色閒酒滿綠樽  
愁滿酒醉凭枕障認巫山

半髻嬋娟垂兩鴉驚潮微隱寶簪斜客愁政自  
遊絲亂莫戴釵頭百結花

往體

積雪久不解下有希世珍志士緼袍閒苦心終

鷗渚微吟

六讀書齋正本

不伸安得白日光能照清夜輦

皓彩青雲端飛光落溟渤渾河與清沚同受明  
月魄勿以清濁殊天光本無隔

志士惜流光遊子念長道流光如奔霆長路漫  
浩浩饑人忽夢飽百憂悉傾倒眞妄安足論榮  
名以爲寶

松下

松梢涼露警孤鶴潭面北風蟠老蛟蛟老涎腥  
波浪惡獨吟碎月看松梢

癸卯除夕客中

膝下傳觴事已非，瓣香千里隔庭闈。  
摧心遠憶新阡上，寂寂低松雪乍晞。

數日

數日東風欺病骨，侵凌曉色作輕寒。  
客來坐久無談柄，共看遊絲上井欄。

梅

新陽斡坤軸，枯朽皆光榮。  
稜層冰雪中，復見天地精。  
姑射神所爲，伯夷聖之清。  
太白抱轆軻，靈

鷓鴣微吟

七讀畫齋正本

均擁芳馨是子心，魂閒不受纖芥縈。  
獨立萬化先皎皎，非近名溪流鑑寒柯。  
游風吹落英，山明霧氣溼。  
月落參旗橫，羣虛妙香發。  
一洗萬慮輕紛紛，兒女姿慙愧東風情。

狹斜

吳姬凌寒吹玉笛，手彊誤作遲遲聲。  
卻來拋眼調行客，中有二月東風情。  
東風二月楊花滿，伯勞朝啼芳思亂。  
狹斜繡轂易爲愁，解后相逢莫腸斷。

破褐

生松鬱寒灰破褐出殘絮童兒不耐煩微吟起  
身去

湖中

汀蒲獵獵起涼颺碧藕香中獨立時機事兩忘  
吾喪我扁舟吟過水仙祠

新隄

淡煙衰草雨絲絲小醉微吟倒接離吟到水西  
雲影北莞然一笑已無詩

鷗渚微吟

八讀畫齋正本

書事

東鄰老翁寒不寐百結懸鶉投悲涕自云子孫  
學灌園不識江湖與風水大兒里胥縛送州小  
兒遁逃卒未休老夫忍飢特未死犁耙典盡春  
無牛身為王民合徭役運米操舟操不得江湖  
風水未足愁檝喪檣傾誤人國

荅碧山

欲種梅花無古根手移蘭苗上藝盆卻憂偏仄  
傷蘭性自下清招爲返魂

苔維溪

維溪插架三千軸  
葑蔭紉蘭得自娛  
會須握手論活法  
靜看碧水生元珠

學詩

神仙不可學  
願學長不死  
學詩如學仙  
吞霞潔塵滓  
渚花流水香  
煙霏暮山紫  
涼颼入脩竹  
一笑鳴綠綺

雀

短翅漏欄貝花紫  
逐食飛行曉霜裏  
祇知觜爪

鷗渚微吟

九讀畫齋正本

求自肥肥甘累人心  
弗知天寒日暮向何處  
前路多山慎勿去  
吳兒織網連素空  
一落牢籠腥血紅

南內

已翦諸郎百慮輕  
驕兒長大又生獍  
祇愁南內無歸日  
南內歸來萬古情

鷗渚微吟

學

吟



學吟

古 徐 朱 南杰

垂虹亭

憑虛蝮蝥逼人寒中有危亭百尺寬天接水腰  
呈絕景風回帆脚漲狂瀾半篙落日吟將就一  
抹晴煙畫亦難不是酒杯今日窄直須邀月上  
欄干

舟行過平江

蹤跡平生馬少游功名外物等虛舟不多飲酒

學吟

一讀畫齋正本

常成醉自在吟詩祇遣愁已幸一帆離錫邑更  
寬兩日到杭州曉來忽見盤門塔疑是西湖大  
佛頭

楓橋灣酒家有楓橋千古壓波光之句  
用韻以紀所見

楓橋酒味勝官坊隨分紅裙取次妝月照乍圓  
新氣象僧閒不減舊風光一橋地勢橫分水兩  
岸人家競採桑惟有塔鈴太多管笑人來往自  
玎璫

出嘉興

舟出嘉禾五里城僧樓山塔互崢嶸酒旗密比  
隨風舞漁網橫拖漾日晴畫舫貴人帆去穩單  
衣遊女著來輕山歌已接長河堰到得臨平月  
又明

過長河堰

帆指長河風力微漁舟箇箇有魚歸一聲水際  
笛三弄幾處梅邊竹四圍桑伐遠揚蠶事熟花  
消濃豔柳綿飛西湖只在錢塘外又見孤山梅

學吟

二  
讀畫齋正本

子肥

同劉朋山遊湖邊作

誰立西湖造化功峯分南北境相通四時風物  
弦歌裏兩岸人家圖畫中堤柳送迎忘爾汝棹  
聲來往自西東風波便作恩波看此樂君王與  
衆同

同陳明叔遊湖作

四月湖邊冷若秋先賢堂下繫扁舟山頭積翠  
來新意波面飄紅憶舊遊無奈楊花欺倦客已

多荷葉護輕鷗堤邊誰道春歸了猶有一聲黃  
栗雷

和吳嘯峒韻

春回筆底露潛機爲怯高吟且遯肥又見牛鞭  
春到日羞披鶉結舊來衣雪隨著處分單厚梅  
不關人自密稀歸計商量今始定樂哉心事看  
雲飛

春日呈嘯峒

朝來慚愧又逢春總把官身換客身堤柳未歸

學吟

三讀畫齋正本

新氣象憲梅猶帶舊精神村居牢落誰沾我吏  
醉清閒卻笑人打疊故書排日去一樽隨意踏  
芳塵

南園不與昔時同絲亘規模十里通萬石倚山  
如踞虎一亭跨水似垂虹虛堂舊占梅邊月曲  
徑新添竹外風詩料滿前吟不盡主人樽酒未  
應空

壽實齋侍郎王先生

崧高維嶽誦生申整頓乾坤屬舊臣天下安危

關出處性中存養自真純便歸紫橐酬公論已  
草黃麻授正人天爲皇家錫難老願將霖雨福  
斯民

七夕呈坐閒諸友時畱平江宿和靖書

院次日

葉已鳴秋夜漸長年年織女會牛郎龍梭暫歇  
七襄駕雲袖輕飄百和香輸我晚涼和月飲任  
渠明發渡河忙要知工巧元無用樂得身閒拙  
不妨

學吟

四讀書齋正本

和吳梅菴同登白龍對月韻

秋容滿目帶微寒帆穩蘭舟駕碧瀾照我湖光  
天共色襲人花氣露初乾笑談紅袖日中舞驚  
動蒼龍水底蟠最是一清無著處卻慚狼籍草  
杯盤

餞徐衍道知縣

事業文章屬當家刃游餘地宰金沙挽回凶歲  
作豐稔安集流民絕歎嗟兩載秋霜威盜賊一  
犁春雨沃桑麻寬民實意言難盡勝種河陽滿

縣花

餞海鹽史後樂

秦溪邑大號難治後樂三年以德爲海閩有樓  
還舊觀堂深無日不新詩虛舟祇載來時物實  
惠常教去後思相業眞傳公不忝蒼生況是望  
霖時

未知鎮戎服警盜不憚雪夜酒庫在鎮  
外不得與戲呈

戎裝元不礙儒冠盜賊潛窺膽自寒金鼓聲聞

學吟

五讀畫齋正本

三里外旌旗影庇四民安宵從叶力多君子愧  
不同盟是酒官酥氣釀成年可卜曉來喜見雪  
漫漫

除夜懷劉朋山爲坑司幹官 丁未

失脚糟丘又一春歲除牢落頗關情誰家不換  
桃符句比屋相聞竹爆聲舊友未知能鑄冶新  
年宐入孰陶成來朝無甚人交往樂得齁齁睡  
到明

夜坐書懷

挑燈看徹後村詩忽爾憧憧百所思不待人言  
已知錯要知分定盍如斯但求甘旨安無事浪  
說榮華自有時倒指新筭當已熟且煨闔芋一  
中之

曉發嘉興府

曉發嘉興府人家門未開聞關船側過水漲堰  
平推濃綠暗官柳肥紅綻野梅城中簫鼓發知  
是使君回

舟過吳江縣

學吟

六讀畫齋正本

寺滿吳江縣鐘聲兩岸分買魚嫌少室沽酒欠  
文君平地橋邊浪無心嶺外雲篙人添德色爲  
策過湖勳

泊崇德

堰未抵長河先從古縣過詩舟尋舊岸酒市響  
新歌傍水人家密依山僧寺多夷猶觀未足無  
柰月明何

東新橋值雪

聞關入帝鄉飛雪斷羈腸天地皆明白山川忽

老蒼柳眉遮舊影梅額上新妝客裏急先務湖  
邊問短航

甲辰入京春深猶雪和吳嘯峒二絕

歲事客裏過今年祇去年甘貧常寂寂知己孰  
拳拳花豔卑崇帳江流羨祖鞭家山芳意動野  
騎盍言還

掀髯論時事莫問是邪非綠句池邊得青陽柳  
外歸夜深嫌薄酒春淺怯單衣門巷雪撩亂低  
頭且掩扉

學吟

七讀畫齋正本

富民犯米四十字以喻之

彼此有人心人心卽訟庭初無深利害倒自費  
調亭私意生荆棘公家有典刑落便宜是益座  
右可刊銘

孤山觀梅

費盡年年造化功精神全在雪霜中一枝映帶  
窻前月消得逋仙作主翁

陳梅隱求詩

早歲走江湖那堪又歲除隱梅非活計行李盍

寧居自有珠璣集不攜朝貴書酬君無好語索  
笑謾躊躇

林竹翁求跋

何物耐交情林翁竹借名霜嚴不改操風勁鎮  
長清袖裏森珠玉胷中富甲兵江湖莫相笑已  
播逸民聲

書考

戊申春

人說宦途好元來是險途不親真利害難話細  
工夫下考初書一中心有愧無官卑何展布三  
載且糊塗

學吟

八讀畫齋正本

劉直孺示拙逸詩編且命著語

拙自愚中來逸與怠相比限界固分明差忒亦  
容易人心自有機天下本無事更參大學章終  
始一誠意

尹樓巖久畱華亭

風雷昨夜揭窻紗未信樓岩不憶家和靖山頭  
春到了莫因尋鶴負梅花

攝事華亭歸舟口占

挈來司市正花時補陋支傾費品題顧影自慚  
身是客片帆又逐曉風西

延陵道中卽事三絕

筍輿取道自吳干東作村村喜一般已拜勸農  
田畯賜舊租何似放令寬

人家密簇近溪旁舊袂青裙競採桑相喚相呼  
相歎息繭絲歲歲爲官忙

小立青帘賣酒家味雖薄薄勝空茶今年春滿  
疎籬外數朶輕紅出杏花

學吟

九讀畫齋正本

題吳梅菴和靖索句圖

童寒鶴冷雪霏霏正是先生得句時一段孤清  
圖不盡梅花從此厭人詩

入京

客懷醉殺也醒醒昨夜思家夢幾驚道阻且長  
無信息只將喜鵲驗安平

橫林遇雨

斷當篙師到錫山片雲尼我竹林閒短篷展轉  
渾無寐祇聽郵鈴去復還

雨溼桅竿風颭帆不禁蓬漏滴衣單蒼頭更說  
無眠處始信人生行路難

自庫入鎮十二里皆山徑邢侯以馬相  
招道閒口占問梅

蹇驢突兀萬山閒欲雨還晴雪又慳一路梅花  
尋不見多應開向小溪灣

豈敢言詩聊以紀時固不止是錄其  
可以示人者淳祐戊申中和節南杰  
書于澈川酒邊

學吟

十讀畫齋正本

學吟

雅

林

小

彙

雅林小橐

古括王琮中玉甫

北山訪僧晚歸

吟僧山北住又買過湖船半日得閒話一生無  
此緣波光 酒興竹色帶茶煙歸路斜陽裏徐  
行聽亂蟬

蓬萊

柯山倅圃

一棹三萬里何修入窈深水痕涵雨意巖影帶  
秋陰雖愧無仙骨終能長道心古人殊錯計空

雅林小橐

一讀畫齋正本

向海中尋

讀書樓作

近來閒過日幽事頗相關遠樹開晴晝歸雲當  
晚山宦情隨處薄詩橐逐時刪骨若無仙分何  
因住此閒

哭潘令

河陽桃李樹惆悵不逢春官爲吟詩折家因好  
客貧故山歸去遠遺像挂來眞誰向江頭哭共  
鄉三數人

三巖

閒攜一壺酒來對雪巖斟秋老瀑飛瘦石寒雲  
宿深坐無僧共話行有鶴隨琴此處儘不俗令  
人生隱心

題獨醒小亭

東嘉酒舍子所創

退食多畱此翛然一散襟涼從曉來覺秋向雨  
中深牆竹侵山色簷茅雜柳陰有誰能載酒過  
我共幽尋

挽何耐軒

雅林小彙

二讀畫齋正本

調度如儒素相門中所難一心唯好佛半世懶  
求官星近緹屏落墳依宰木寒遺恩滿溪麓魚  
鳥亦辛酸

客裏有懷徐太古

近來真倦客怕蹋軟塵紅獨向一樓坐靜觀諸  
境空官河添夜雨宮樹帶秋風還憶能吟者襟  
期何日同

與劉天游伯仲夜話雪中戲贈

水亭新得月坐對白蘋洲共說一夜話惜無多

日留手鈔詩許借口誦呪如流最羨同吟處對  
牀風雨秋

秋夜有懷醉書十韻

秋風從何來颭颭入窻牖殘燈耿不寐照我容  
顏厚故園豈不佳亦頗興懷否黃金桂百樹碧  
玉池十畝猿鶴響空山亭臺映疎柳觥籌雜楚  
藪筆硯得佳友愁無彈鵲句雋有持螯手人生  
行樂耳功名有時有黠檢屐幾兩土苴米五斗  
浩然歸去來萬事不如酒

雅林八宴

三讀書齋正本

城西卽事

清曉離家去路遙絕憐寒景太蕭條松深漸覺  
風聲緊雲動還知雪意銷沙背客擔魚種賣山  
頭人拾樹枝燒梅花多處誰家酒斜舞青帘隔  
小橋

次韻項君玉

惠然乘興訪幽棲細雨冥冥溼杖藜七尺身強  
於鶴瘦一生心不向人低日尋靈藥行寒麓時  
有新詩付小奚欲解貂金同一醉酒壚聞只在

前溪

荅友人

秋山曾是共登臨，感慨蘭亭後。視今炎熱不過能炙手，笑談未必到知心。前言袞袞風波去後，約寥寥歲月深室邇。豈應人自遠，酒盟詩社要重尋。

京華病中

自移藥鼎在牀頭，桂玉令人分外愁。因病始知歸計好，雖貧不向俗人謀。僧曾帶雨來看脈，僕

雅林小彙

四讀畫齋正本

爲傷風懶上樓，賴有壁閒新買畫。寒燈相對兩山秋。

客南徐一首

秋來客裏幾蹉跎，醉鋏唯堪浩浩歌。盛世未應知己少，諸公自是闕人多。潮生瓜步風猶急，苔滿涪溪石欠磨。憶昔祖生忠憤後，更無一楫是如何。

次韻徐獻可兼別重巽

誰憐范叔戀袍寒，猶有徐卿二子看。大率率中

多物忤相知知到此心難最憐風雪分吟筆安  
得江山共倚欄後夜小窻懷素帖挑燈應憶我  
同觀

代辟客送總卿歸吳

使星卿月照淮壖百萬貔貅飽據鞍出處豈無  
公論在規模應有後人看半年水驛衣猶溼一  
紙天棧墨未乾事與心違知己異折梅花別歲  
之寒

鄴中書懷

雅林小彙

五讀畫齋正本

苦無官況莫來休羞見傍人說宦遊九日秋  
蛩共語兩三夜兩鴈供愁腐紅只有虛名在豎  
白難將實意酬驛路梅花歸正好苦無官況莫  
來休

喜趙居父赴班

西臺自是舊相知未了爲山一簣虧入幕雖無  
多日在改官已是十年遲金闈接武人爭羨玉  
牒能文世所奇此去錦鄉纔兩宿仙茅綠景正  
堪詩

題多景樓

秋滿闌干晚共憑殘煙衰草最關情西風吹起  
江心浪猶作當時擊楫聲

漢荆王墓

廟在京口府治

落落廟碑摹瘞鶴陰陰宰木宿神鴉可憐寶劍  
凌雲氣散作金燈滿地花

獨醒午坐

小槽停溜務廳閒幙府文書省卻難竟日裴回  
無俗意祇因竹外有秋山

雅林小臺

六讀書齋正本

旅興

經年客食向京華懶對春風祇憶家覺道近來  
全俗了略無一語及梅花

客中從厚祿故人乞米

花甌欲塵貧亦甚陶腰未折計何如小窻獨對  
蕭蕭雨蹄得唐人乞米書

舟過孤山

寂寞梅花處土墳竹圍巖脚一泉深偷瞻翠輦  
曾遊處水鑰年年護綠陰

祕省金魚池一首

落葉闌干小立時諸公慨想到腰圍但知官餅  
堪爲餌不識人間有釣磯

觀潮

旗彩斜飛一命輕舟人卻立萬舟迎不應當日  
將軍事猶到如今氣未平

獻可約遊北山阻雨

共約湖邊喚短篷曉來何事雨兼風山林只合  
閒人到不入時官眼界中

雅林小橐

七讀畫齋正本

立春有懷

十千呼酒醉長安猶記年時客裏歡有約南山  
南畔去只挑野菜當春槃

雅林小橐

乾隆壬寅十一月初五日宋刻校

